

## World Mental Health Day

Lalthanhawla  
Hon'ble Chief Minister  
Govt. of Mizoram

Mizote hi hnam tlemte zingah hian tan hona athat phawt chuan rilru lama harsatna neite enkawl chungchangah nasa takin hma kan sawn thei a ni. Ram changkang apiangin rilru hriselna an ngai pawimawh avangin sum lam pawh an seng tam hle thin rualin, Mizoram angah chuan sum hman tur a tam loh avangin leh inzirtirna lam a chak tawk loh a avangtein rilru lam natna enkawlna kawngah ke a pen chak thei lo niin a sawi theih awm e. Rilru hriselna nei turin District lama hotute leh hemi lama hnarkaitu pawh berawn a a theih ang ang a hma lak tur anih thu Sawrkar ang pawhin District hotute a hraitir theih a ni a ti.

Mizoram hnam la naupan avangin rilru lama harsatna neite enkawlna leh chhawmdawlina kawngah Mizoram dinhmun a la hniam a, mahse tulna leh pawimawhna kan hre ve tan a ni. Tunah thiam bikna nei Doctor leh mithiam dangte kan neih belh zel a, heng kan mi thiam te hian mitin an ma mawhna zawn theuh ah an tanpui a tul hle.

Chief Minister chuan, rilru hriselna kawngah inzirtirna neih tam a pawimawh thu a sawi a, "Rilru hrisel i la, kan hnaah pawh kan tui ang" tiin, rilru hrisel lovin corruption pawh a hrin chhuah thin thu a sawi bawk. Mizoramah mahni intihlum an tam sawt hle ani tih sawiin, tan lak a nasat thu a sawi bawk.

Mizoram Police te chhinchhiah dan atangin mahni intihlum hi mi 55 kumin chhungin an awm tawh a, chung zingah chuan hmeichhia 16 an ni a ti. Mahni intihlum zinga mi hi Aizawl District ah mi 47 leh kum 14-45 inkar an tam ber thu a sawi bawk.

Mahni intihlumte hi rilru hah vang a ni tlangpui a, ruihlo ti thinte, inngaihzawna avangte, hna hmuh zawh loh avangte, chhungte nen a intihthiam loh vangte leh retheih luat vangte a ni tlangpui. Heng zawng zawng a lo reh theih nan mimal, chhungkua, kohhran leh khawtlang kan tanrual a, theih tawp kan chhuah tlan a ngai a ni.